

閒

情

偶

寄

閒情偶寄四卷目次

演習部

選劇第 計二款

別古今

劑冷熱

變調第二 計二款

縮長爲短

變舊成新

附

琵琶記尋夫改本

明珠記煎茶改本

閒情偶寄卷之四

湖上竺翁李漁著

垢沈心友因伯

全訂

男將舒陶長

演習部 選脚色。正音韻等事。載在第七卷歌舞項下。男優女樂。事理相同。欲習聲樂者。兩類互觀。始無缺略。

選劇第一

填詞之設。專爲登場。登場之道。蓋亦難言之矣。詞曲佳而搬演不得其人。歌童好而教率

不得其法。皆是暴殄天物。此等罪過。與裂繒毀璧等也。方今貴戚通侯。惡談雜技。單重聲音。可謂雅人深致。崇尚得宜者矣。所可惜者。演劇之人。美而所演之劇。難稱盡美。崇雅之念。真而所崇之雅。未必果真。尤可怪者。最有識見之客。亦作矮人觀場。人言此本最佳。而輒隨聲附和。見單卽點。不問情理之有無。以致牛鬼蛇神。塞滿。理。倫。之。上。極。長。詞。賦。之。人。偏與文章爲難。明知此劇最好。但恐偶違時。

好呼名。卽避不顧。才士之屈伸。遂使鐫寫。寢歟。沉埋。甄。幾之間。湯若士之牡丹亭。邯鄲夢。得以盛傳于世。吳石渠之綠牡丹。畫中人。得以偶登于場者。皆才人微徠之事。非文至必傳之常理也。若據時優本念。則願秦皇復出。盡火文人已刻之書。止存優伶所撰諸抄本。以備家絃戶誦而後已。傷哉。文字聲音之厄。遂至此乎。吾謂春秋之法。責備賢者。當今瓦缶雷鳴。金石絕響。非歌者。撰。聆之誤。優師指。

路之迷。皆顧曲周郎之過也。使要津之上。得一二主持風雅之人。凡見此等無情之劇。或棄而不點。或演不終篇而斥之使罷。上有憎者。下必有甚焉者矣。觀者求精。則演者不敢浪習黃絹色絲之曲。外孫壘曰之詞。不求而自至矣。吾論演習之工。而首重選劇者。誠恐劇本不佳。則主人之心血。歌者之精神。皆施于無用之地。使觀者口雖贊歎。心實咨嗟。何如擇術務精。使人心口皆羨之爲得也。

別古今

是劇授歌章。當自古本始。古本既熟。然後間以新詞。切勿先今而後古。何也。優師教曲。每加工于舊而草草于新。以舊本人人皆習。稍有謬誤。卽形出短長。新本偶爾一見。卽有破綻。觀者聽者。未必盡曉。其拙儘有可藏。且古本相傳至今。歷過幾許名師。傳有衣鉢。未當而必歸于當。已精而益求其精。道時文中大學之道。學而時習之。諸篇名作。如林。非敢草草動筆者也。新劇則如巧搭新題。偶有微長。則動主司之目矣。



故開手學戲。必宗古本。而古本又必從琵琶荆釵幽  
閨尋親等曲唱起。蓋腔板之正。未有正于此者。此曲  
善唱。則以後所唱之曲。腔板皆不謬矣。舊曲既熟。必  
須間以新詞。切勿聽拘士腐儒之言。謂新劇不如舊  
劇。一概棄而不習。蓋演古戲如唱清曲。只可悅知音  
數人之耳。不能娛滿座賓朋之口。聽古樂而思卧。聽  
新樂而忘倦。古樂不必蕭韶琵琶幽閨等曲。卽今之  
古樂也。但選舊劇易。選新劇難。教歌習舞之家。主人  
必多冗事。且恐未必知音。勢必委諸門客。諷之優師。

門客豈盡周郎大半以優師之耳目爲耳目而優師  
之中淹通文墨者少每見才人所作輒思避之以鑒  
而不相入也故延優師者必擇文理稍通之人使閱  
新詞方能定其美惡又必藉文人墨客參酌其間兩  
議會同方可授之使習此爲主人多冗不諳音樂者  
而言若係風雅主盟詞壇領袖則獨斷有餘何必知  
而故詢噫欲使梨園風氣丕變維新必得一二縉紳  
長者主持公道俾詞之佳者必傳劇之陋者必黜則  
千古才人心死現在名流有不以沉香刻木而祀之

者乎。

### 刻冷熱

今人之所尚。時優之所習。皆在熱鬧二字。冷靜之詞。文雅之曲。皆其深惡而痛絕者也。然戲文太冷。詞曲太雅。原是令人生倦。此作者自取厭棄。非人有心置之也。然儘有外貌似冷。而中藏極熱。文章極雅。而情事近俗者。何難稍加潤色。播入管絃。乃不問短長。一概以冷落棄之。則難服才人之心矣。予謂傳奇無冷熱。只怕不合人情。如其離合悲歡。皆爲人情所必至。

能使人哭。能使人笑。能使人怒。能使人驚。鬼  
欲絕。即使鼓板不動。場上寂然。而觀者叫絕之聲。反  
能震天動地。是以人口代鼓。擊實。鼓爲戰爭。擊之。肅  
場殺伐。鉦鼓雷鳴。而人心不耐。反欲靜耳。靜宜者爲  
何如。豈非冷中之熱。勝于熱中之冷。俗中之雅。勝于  
雅中之俗乎哉。

變調第二

變調者變古調爲新調也。此事甚難。非其人  
不行。存此說以俟作者。才人所撰詩賦古文  
與佳人所製錦綉花樣無不隨時更變。變則  
新。不變則腐。變則活。不變則板。至于傳奇一  
道。尤是新入耳目之事。與玩花賞月同一致  
也。使今日看此花。明日復看此花。昨夜對此  
月。今夜復對此月。則不特我厭其舊。而花與  
月亦自媿其不新矣。故桃陳則李代。月滿卽

哉。生。花。月。無。知。亦。能。自。變。其。調。別。詞。曲。出。生。  
人。之。口。獨。不。能。稍。變。其。音。而。百。歲。登。場。乃。爲。  
三。萬。六。千。日。雷。同。合。掌。之。事。乎。吾。每。觀。舊。劇。  
一。則。以。喜。一。則。以。懼。喜。則。喜。其。音。節。不。乖。耳。  
中。免。生。芒。刺。懼。則。懼。其。情。事。太。熟。眼。角。如。懸。  
贅。疣。學。書。學。畫。者。貴。在。彷彿。大。都。而。細。後。曲。  
折。之。間。正。不。妨。增。減。出。入。若。止。爲。依。樣。畫。蘆。  
則。是。以。紙。印。紙。雖。云。一。綫。不。差。少。天。然。生。動。  
之。趣。矣。四。創。二。法。以。告。世。之。執。郢。斤。者。

縮長爲短

戲場之事宜晦不宜明其說有二優孟衣冠原非實事妙在隱隱躍躍之間若干日間搬弄則太覺分明演者難施幻巧十分音容止作得五分觀聽以耳目聲音散而不聚故也且人無論富貴貧賤日間盡有當行之事閱之未免妨工抵暮登場則主客心安無妨時失事之慮古人秉燭夜遊正爲此也然戲之好者必長又不宜草草完事勢必闡揚志趣摹擬神情非達旦不能告闕然求其可以達旦之人十中不得

一。二。非迫于來朝之有事。卽限于此際之欲眠。往往半部卽行使佳話。截然而止。予嘗謂好戲。若逢貴客。必受嚴斬之刑。雖屬謔言。然實事也。與其長而不終。無寧短而有尾。故作傳奇。付倭人。必先示以可長可短之法。取其情節可省之數折。另作暗號記之。遇清閒無事之人。則增入全演。否則拔而去之。此法是人皆知。在梨園亦樂于爲此。但不知減省之中。又有增益之法。使所省數折。雖去若存。而無斷文截角之患。若則在秉筆之人。略加之意而已。法于所刪之下折。



另增數語點出中間一段情節如云昨日某人來說某話我如何答應之類是也或于所刪之前一折預爲吸起如云我明日當差某人去幹某事之類是也如此則數語可當一折觀者雖未及看實與看過無異此一法也予又謂多冗之客併此最約者亦難終場是刪與不刪等耳嘗見貴介命題止索雜單不用全本皆爲可行卽行不受戲文牽制計也予謂全本太長零齡太短酌乎二者之間當倣元人百種之意而稍稍擴克之另編十折一本或十二折一本之新

劇以備應付。忙人之用。或即將古本舊戲。刪長房妙手。縮而成之。但能沙汰得宜。一可當百。則寸金丈鐵。貴賤攸分。識者重其簡貴。未必不棄長取短。另開一種風氣。亦未可知也。此等傳奇。可以一席兩木。如佳客並坐。勢不低昂。皆當在命題之列者。則一後一先。皆可爲政。是一舉兩得之法也。有暇卽當屬草。請以下里巴人。爲白雪陽春之倡。

變舊成新

演新劇如看時文。妙在聞所未聞。見所未見。演舊劇

人謬賞不以黜竄爲非矣。尚有拾遺補缺之法。未語  
同人。茲請並終其說。舊本傳奇。每多缺略不全之事。  
刺謬難解之情。非前人故爲破綻。曹話柄以貽後人。  
若唐詩所謂欲得周郎顧。時時誤拂絃。乃一時照管  
不到。致生漏孔。所謂至人千慮必有一失。此等空隙。  
全靠後人泥補。不得聽其缺陷。而使千古無全文也。  
女媧氏煉石補天。天尚可補。況其他乎。但恐不得五  
色石耳。姑舉二事以概之。趙五娘于歸兩月。卽別蔡  
邕。是一桃夭新婦。算至公姑已死。別墓尋夫之日不

閒情偶寄

卷四

尤展成  
云子規  
見靈翁  
家如演  
此二折  
便高陸  
二君復  
王定當  
地到

及數年是猶然。一冶容誨淫之少婦也。身背琵琶。獨  
行千里。卽能自保無他。能免當時物議乎。張大公重  
諾輕財。資其困乏。仁人也。義士也。試問衣食名節二  
者孰重。衣食不繼。則周之名節所關。則聽之義士。仁  
人。曾若是乎。此等缺陷。就詞人論之。幾與天傾西北。  
地陷東南無異矣。可少補天塞地之人乎。若欲于本  
傳之外。劈空添出一人。送趙五娘入京。與之隨身作  
伴。妥則妥矣。猶覺傷筋動骨。太涉更張。不想本傳內  
現有一人。儘可用之。而不用。竟似張大公止。曰。卸肩。

不顧趙五娘之去後者其人爲誰着送錢米助喪之  
小二。是也。剪髮白云你先回去。我少頃就着小二送  
來。則是大公非無僕從之人。何以吝而不使。予爲略  
增數語補此缺略。附刻于後。以政同心。此一事也。明  
珠記之煎茶所用爲傳消息之人者。塞鴻是也。塞  
鴻一男子。何以得事嬪妃。使宮禁之內可用男子煎  
茶。又得密談私語。則此事可爲何事。不可爲乎。此等  
破綻。婦人小兒皆能指出。而作者絕不經心。觀者亦  
聽其踈漏。然明眼人遇之。未嘗不啞然一笑。而作無

是公翫者也。若欲于本家之外鑿空構一婦人與無  
雙小姐從不謀面而送進驛內煎茶使之先通姓名。  
後說情事。便則便矣。猶覺生枝長節。難免贅瘤。不知  
眼前現有一婦。理合使之而不使。非特王仙客至愚。  
亦覺彼婦太忍。彼婦爲誰。無雙自幼跟隨之婢。仙客  
現在作妾之人。名爲采蘋是也。無論仙客覓人將意。  
計當出此。卽就采蘋論之。豈有主人一別數年。無由  
把臂。今在咫尺。不圖一見。普天之下。有若是之忍人。  
乎。予亦爲正此迷謬。止換賓白。不易填詞。與琵琶改。

本並刊于後。以政同心。又一事也。其餘改本尚多。以篇帙浩繁。不能盡附。總之。凡予所改者。皆出萬不得已。眼看不過耳聽不過。故爲剗削不平。以歸至當。非勉強出頭。與前人爲難者比也。凡屬高明。自能諒其心曲。

挿科打諢之語。若欲變舊爲新。其難易較此矣。止百倍。無論劇劇可增。語語可改。卽欲隔日一新。逾月一換。亦誠易事。可惜當世貴人家。蓄名優數輩。不得一談諧弄筆之人。爲種詞林萱草。使之刻刻忘憂。若天

假笠翁以年。授以黃金一斗。使得自買歌童。自編詞。出口授而身導之。則戲場。隔日。日日更新。瓊上歌。諧時時變相。此種技藝。非特自能誇之。天下人亦共信之。然謀生不給。遑問其他。只好作貧女。縫衣爲他人助嬌。看他人出閣而已矣。



琵琶記尋夫改本

胡搗練旦上辭別去。到荒坵。只愁出路煞生受。書取真容聊藉手。逢人將此勉哀求。

鬼神之道。雖則難明。感應之理。未嘗不信。奴家昨日在山上築墳。偶然力乏。假寐片時。忽然夢見當山土地。帶領着無數陰兵。前來助力。又親口囑付。着奴家改換衣裝。往京尋取夫婿。及至醒來。那墳臺果然築就。可見真有神明。不是空空一夢。只得依了夢中之言。改換做道姑打扮。又編下一套婁

京北到途路之間逢人彈唱抄化些資糧糊口  
也是一條生計只是一件我自做媳婦以來終日  
與公姑廝守如今雖死還有個墳塋可拜一日撒  
他而去真個是舉目淒然喜得奴家略曉丹青只  
得借紙筆傳神權當個丁蘭刻木背在肩上行走  
只當還與二親相傍一般遇着小祥忌日也好展  
開祭奠不枉做媳婦的一點孝心有理有理顏料  
紙張俱已備下只是憑空摹擬恐怕不肯神情且  
待我想像起來

此等曲。方是化。工。然不。多見也。

三仙橋——從他每死後要相逢。不能勾除非夢裏暫時略聚首。如今該下筆了。欲書又止介苦要描描不就暗想像教我未描先淚流。書介描不出他苦心頭描不出他饑症候。又想介描不出他望孩兒的睜睜兩眸。又書介只書得他髮廳廳和那衣衫敝垢書完了待我細看一看。看介呀。像倒極像。只是書得太苦了些。全沒些歡容笑口呀。公婆公婆非是媳婦故意如此休休若書做好客顏須不是趙五娘的姑舅待我畫畫起來燒些紙錢奠些酒飯然後帶出門

去便了。鮑介愛我那公公婆婆呵。媳婦只爲往京  
尋取丈夫。攔你不下。故此圖書儀容。以便隨身供  
養。你須是有靈有感。時刻在暗裏扶持。待媳婦早  
見你的孩兒。痛哭一場。說完了心事。然後趕到陰  
司。與你二人做伴。便了。阿呀。我那公婆呵。哭介

前腔非是奴尋夫遠遊。只怕我公婆絕後。奴見夫便  
回。此行安敢久。路途中奴怎走。望公婆相保佑。拜完  
了。如今收拾起身。論起理來。該先別墳塋。然後去別  
張大公纔是。只爲要託他照管墳塋。須是先別了他。

然後同至墳前把公婆的骸骨交付與他便了。鎖門  
行介只怕奴去後冷冷清清有誰來祭掃縱使遇春秋  
一陌紙錢怎有休休你生是受凍餒的公婆死做個  
絕祭祀的姑舅。

來此已是大公在家。應丑上收拾草鞋行遠路安  
排包裹送嬌娘呀。五娘子來了。老員外有請。末上  
衰柳寒蟬不可聞。金風敗葉正紛紛。長安古道休  
回首。西山陽關無故人呀。五娘子。我正要過來送  
你。你却來了。丑。因有遠行。特來拜別。大公請端坐。

跪求不起方見  
事。其

受奴家幾拜。末來到就是了。不勞拜罷。旦拜末同拜介。旦高厚恩難報。臨歧淚滿巾。末從今無別事。拭目待歸人。末起。旦不起。介末五娘子請起呀。五娘子你爲何跪在地下不肯起來。旦奴家有兩件大事奉求。要大公親口許下方敢起來。末孝婦所求。一定是綱常倫理之事。老夫一力擔當。快些請起。旦起。介末叫小二看椅子過來。與五娘子坐了。講話。旦告坐了。末五娘子你方纔說的是那兩件事。旦第一件是怕奴家去後。公婆的墳塋没人。

管求大公不時看顧。銀錢令節代燒一陌紙錢。末  
這是我分內之事。自然照管。何須你囑咐。第二件  
呢。日第二件。因奴家是個少年女子。遠出尋夫。沒  
人做伴。路上怕有嫌疑。求公公大發婆心。把小二  
借與奴家做伴。到京之日。即便遣人送還。這一件  
事。關係奴家的名節。斷求慨允。末五娘子這件事  
情。比照管墳塋還大。莫說待你拜求。方纔肯許。不  
是個仗義之人。就是聽你講到此處。方纔思念起  
來。把小二送你。也就不成個張廣才了。我昨日思

此到  
其骨  
頑然  
作者  
一疎  
不  
已

想不但你隻身行走路上嫌疑。就是到了京中。與你丈夫相見。他問你在途路之中。如何宿歇。你把甚麼言語答應他。萬一男子漢的心腸。多疑少信。將你埋葬。公婆的大事。且不提起。反把形迹二字。與你講論起來。如何了得。這也還是小事。他三載不歸。未必不在京中。別有所娶。我想那舅家小。看見前妻走到。還要無中生有。別尋說話。離開你的夫妻。何況是遠遠尋夫。没人做伴。若把幾句惡言加你。豈不是有口難分。還有一說。你丈夫臨行之



日記家中事情拜託于我我若容你獨自尋夫有  
礙他終身名節日後把甚麼顏面見他就是死到  
九泉也難與你公婆相會這個主意我先定下多  
時了已曾分付小二着他伴你同行不勞分付放  
心前去便了旦起拜介這等多謝公公奴家告別  
了末且慢些再請坐下我且問你你既要尋夫那  
路上的盤費已曾備下了麼旦並不曾有末既無  
沒有如何去得旦指背上琵琶介這就是奴家的  
盤費不瞞公公說已曾編下一套凄凉北調譜入

絳絃一路彈唱而行。討些錢米度日。丑這等說來、  
竟是叫化了。這樣生意、我做不慣、不要總承快尋、  
別個去罷。末我自育主意、不消多嘴。五娘子、你前、  
日剪髮葬親、往街坊貨賣、倒不會問得你賣了幾、  
貫錢財、可勾用麼。旦並無人買。全虧大公周濟。末  
却又來。頭髮可以作髻、尚且賣不出錢財。何況是、  
空空彈唱。萬一没人與錢。你還是去的好。轉來的、  
好。流落在他鄉。不來不去的好。那些長途資斧。我、  
也會與你備下。不勞費心也罷。你既費精神。編成、

一套詞曲不可不使老朽聞之。你就過來待我與  
你發個利市。且這等待奴家獻醜。若有不到之處。  
求大公改政一二。末你且唱來。旦理絃彈唱。末不  
住掩淚丑不住哭介。

北越調關鵲鵲靜理冰絃。凝神息喘待訴衷腸。將眉  
略展。怕的是聽者愁聽。聞聲去遠。雖不比杞梁妻善  
哭天。也去那哭倒長城的孟姜不遠。

紫花兒序俺不是好雲遊。閒離閨闌。也不是背人偷  
強抱琵琶。離鄉遠尋夫。苦歷山川。說甚麼金蓮窄。

問情詞

小道路連遺鞋穿領做到骨葬溝渠首向天保得過  
面無慚腴好追隨地下姑嫜得全名死也無冤

天淨沙霜初始配良緣備養殮尚有餘錢只爲兒夫  
去遠遭荒罹變爲妻庸禍及椿萱

金蕉葉他望賑濟心穿眼穿俺遭搶奪糧懸命懸若  
不是遇高隣分糧助饘怎能勾慰親心將灰復燃

小桃紅可伶他遊絲一縷命空牽要續愁無線他也

曾自屢糟糠備親饒要救餘年又誰料攀轅卧轍  
成勸因來竈邊窺奴私嚙一聲兒哭倒便歸泉

東。題。成。至。堆。出。之。明。其。語。

調笑令。可憐。葬無錢。虧的是一位恩人。竟做了兩次。  
天。他助喪。非強由情願。實指望吉回凶轉。因災致祥。  
無他變。又誰知。後運同前。

禿廝兒。俺雖是厚面皮。無羞不腆。怎得累高隣。鬻。  
產輸田。只得把香雲剪下。自賣錢。到街坊。哭聲喧。誰。  
憐。

聖藥王。俺待要圖卸肩。赴九泉。怎忍得親骸朽露。俺。  
飛。爲欲待把命苟延。較後先。算來無幸。可徵天。哭倒。  
在街前。

說得明  
野料暢

壓倒元  
人全在  
籠中有

閑情偶寄

麻郎兒感義士施恩不倦二天外又復加天則爲這  
好仗義的高隣忒煞賢越顯得受恩的淺深無辨  
么篇徒跳把羅裙自燃裏黃泥去築墳圈感山靈神  
通畫顯又指去路勸人赴遠

絡絲娘因此上顧不的鞋弓襪淺講不起拋頭露面  
手撥琵琶原非自遣要訴出衷腸一片

東原樂暫把喪衣覆喬將道服穿爲缺資財致使得  
身容變休怪俺孝婦啼痕學杜鵑只爲多愁怨清染  
得線麻如茜

錯認椿  
雲想落  
天際  
歸到  
食此曲  
終有看  
落老手  
老手

拙魯速。可憐俺日不停夜不眠。飢不食。冷不燃。當日  
呵。辨不出桃花人面。分不開藕絲金蓮。到如今藕絲  
花片落在誰邊。自對菱花錯認椿。肯止爲憂煎。纔信  
道家寬出少年。

尾下愁萬緒。提難過。只好縮絛中一線。聽不出眼淚  
的休解囊。但有酸鼻的仁人。請將鈔袋兒展。

末做也做得好。彈也彈得好。唱也唱得好。可稱三

絕。出銀介。這一封銀子。就當潤喉潤筆之資。你請

收下。且請介末。小二過來。他方纔彈唱的時節。我

解。不。得。  
因。便。不。  
見。聲。音。  
妙。

別情倒寄

便爲他聲音凄楚。情節可憐。故此掉淚。你知道些甚麼也。號號咷咷哭個不了。丑不知甚麼原故。聽到其間。就不知不覺哭將起來。連我也不明白。末這等我且問你。方纔送他的銀子。萬一途中不勾。依舊要叫化起來。你還是情愿不情愿。丑情愿。情愿。末爲甚麼以前不情愿。如今忽然情愿起來。丑想介。正是爲甚麼原故。忽然改變起來。連我也不明白。末好。這叫做孝心。所感鐵人。流淚高僧。說法頭不點頭。五娘。子。你一片孝心。就從今日効驗起。



了此去定然遂意。我且問你：你公婆的墳塋曾去拜別了麼？**旦**還不曾去。要屈大公同行，好謝著公婆當面拜託。**末**一發見得到，就請同行。叫小二與五娘子背了琵琶。**丑**自然莫說琵琶，就是要帶馬桶，我也情愿挑着走了。**末**五娘子，我還有幾句藥石之言，要分付你，和你一而行走，一面講罷。**旦**既有法言，便求賜教。**行介**

**關黑蠅末**伊夫婿多應是貴官顯爵，伊家去須當審個好惡。只怕你這般喬打扮，他怎知覺一貴一貧，怕

西陽苦  
戲佳多  
但悲傷  
悲苦出  
平人之  
口雖使  
心若暗  
亦未足

他將錯就錯。合孤墳寂寞。路途滋味惡。兩處堪悲萬  
愁怎摸。

末已到墳前了。蔡大哥。蔡大嫂。你這個孝順媳婦。  
待你二人可謂生事以禮。死葬以禮。祭之以禮。無  
一事不全的。了。如今遠出尋夫。特來拜別。將墳墓  
交託于我。從今以後。我就當你媳婦。逢時化紙。遇  
節燒錢。你不消慮得。只是保佑他一路平安。早與  
丈夫相會。他一生行孝的事情。只有你夫妻兩口。  
與我張廣才三人知道。你夫妻死了。止剩得我。

極命此  
 折之妙  
 妙在五  
 眼絨口  
 不徒學  
 毛代謹  
 說到全  
 情所應  
 人人流  
 弟此千  
 古奇觀  
 神哉技  
 也

個在此萬一不能勾見他這孝婦一片苦心誰人  
 替他表白起我張廣才未死速速保佑他回來待  
 我見他一面把你媳婦的好處細細對他講一遍  
 我張廣才這個老頭兒就死也瞑目了暖我那老  
 友呵旦我那公婆所同放聲大哭丑亦哭介末五  
 娘子

憶多嬌我承委託當領略這孤墳我自看守決不爽  
 約但願你途中身安樂合舉目蕭索滿眼盈盈淚落

旦公婆你媳婦如今去了大公叔家去了末五娘

問情獨寄

子你途間保重早去早回小二你好生伏侍五娘子不要叫他費心丑曉得

旦爲尋夫塔別孤墳末只怕兒夫不認真

合流淚眼觀流淚眼斷腸人送斷腸人

旦掩淚全非先下末目送作哽咽不能出聲介愛我我明日死了那有這等一個孝順媳婦可憐

可憐掩淚下

明珠記煎茶改本 第一折

卜算子生冠帶上未遇費長房已縮相思地咫尺有佳音可惜人難寄

下官王仙客叨授富平縣尹又爲長樂驛缺了驛官上司命我帶管三月近日朝廷差幾員內官帶領三十名宮女去備皇陵打掃之用今日申牌時分已到驛中我想宮女三十名焉知無雙小姐不在其內要託人探個消息百計不能喜得裏面要取人伏侍我把塞鴻扮做煎茶童子送進去承直

萬一遇見小姐，就好傳個信兒。塞鴻那裡？  
〔丑上〕藍橋今夜好風光，天上羣仙降下方。只恐雲英難見  
面，裴航空自搗玄霜。塞鴻伺候。  
〔生〕今日送你進去煎茶，專爲打探無雙小姐的消息。你須要用心體  
訪。  
〔丑〕小人理會得。  
〔生〕隨着我來。  
〔行介〕你若見了小姐呵。

玉交枝 道我因他憔悴，雖則是斷機緣。心兒未灰，痴  
情還想成婚配。便今世不共鴛幃，私心願將來世期  
留。不如將生換死，求連理。  
〔合〕料伊行冰心未移，料伊

行柔腸更痴

說話之間已到店驛前了。丑管門的公公在店驛上走馬近來辭帝闕奉差前去掃皇陵甚麼人到此何幹。生帶管驛事富平縣尹送煎茶人役伺候。淨着他進來。丑進見介。淨看怒介。這是個男子你爲甚麼送他進來呢。生是個幼年童子。淨看他這個模樣也不是個幼年童子了。好個不通道理的縣官。就是上司官員帶着家眷從此經過也沒有取男子服事之理。何況是皇宮內院的嬪妃青使。

男子見。面。叫。孩。子。們。快。打。出。去。着。他。換。婦。人。進。來。  
這。樣。不。通。道。理。還。叫。他。做。官。罵。下。生。這。怎。麼。處。

前。腔。精。神。徒。費。不。收。畱。翻。加。唆。威。道。是。男。兒。怎。入。裙。  
釵。隊。歎。賓。鴻。有。翼。難。飛。丑。老。爺。你。偌。大。一。位。縣。官。怕。  
差。遣。婦。人。不。動。擺。幾。個。民。間。婦。女。進。去。就。是。了。也。  
怎。的。生。塞。鴻。你。那。裡。知。道。民。間。婦。人。儘。有。只。是。我。做。  
官。的。人。怎。好。把。心。事。託。他。幽。情。怎。教。民。婦。知。說。本。徒。

使。旁。人。議。合。前

且。自。回。衙。小。時。再。作。道。理。正。是。



不如意事常八九

可與人言無二三

第二折

破陣子 小旦上 故主恩情難背。思之夜夜魂飛。

奴家采蘋自從拋離故主。寄養侯門。王嬀軍得若  
親生。王解元納爲側室。唱隨之禮不缺。伉儷之情  
頗諧。只是思憶舊恩。放心不下。聞得朝廷撥出宮  
女三十名。去備皇陵打掃。如今現在驛中。萬一小  
姐也在數內。我和他咫尺之間。不能見面。令人何  
以爲情。仔細想來。好悽慘人也。  
淚介

閒情偶寄

黃鶯兒從小便相依。棄中途。屢禍危。經年沒個音書。  
寄到如今呵。又不是他東我西。山遙路迷。宮門一入  
深無底。止不過隔層幃。身兒不近。怎免淚珠垂。

生上枉作千般計。空回九轉腸。姻緣生割斷。最狠  
是宵蒼。見介小旦相公回來了。你着塞鴻去探消  
息。端的何如。爲甚麼面帶愁容。不言不語。生不要  
說起。那守門的太監。不收男子。只要婦人。婦人儘  
有。都是民間之女。怎好託他代傳心事。豈不悶殺  
我也。

無計可施爲眼巴巴看落暉只今宵一過便無  
機會奴子我便爲此煩惱你爲何也帶愁容看你無  
端皺眉無因淚垂莫不是愁他奪取中宮位那裏知  
道這婚姻事呵絕端倪便圖來世那好事也難期

小旦奴家不爲別事只因小姐在咫尺之間不能  
見面故主之情難于割捨所以在此傷心生原來  
如此這也是人之常情小旦相公你要傳消息  
既苦無人我要見面談心又愁無計我如今有個  
兩全之法和你商量生甚麼兩全之法快些講來

小旦他要取婦人承值。何不把奴家送去。只說民間之婦。若還見了小姐。婦人與婦人講話。沒有甚麼嫌疑。豈不比塞鴻更强十倍。生如此甚妙。只是把個官人娘子。扮作民間之婦。未免屈了你些。小旦我原以待妻起家。何屈之有。生這等分付。門上喚一乘小轎進來。傍晚出去。黎明進來便了。

羨卿多智更多情。一計能收兩淚零。

小旦雞犬尚能懷故主。為人豈可負生成。

第三折此折改自不改曲曲照原本不更一字。

長相思。旦上。念奴嬌。歸國遙爲憶。王孫心轉焦。楚江秋色饒。月兒高。燭影搖。爲憶秦娥夢轉迢。苦阿。漢宮春信消。

街鼓。寒寒動戍樓。倚床無寐。數更籌。可憐今夜中庭月。一樣清光。兩地愁。奴家自到驛內。看看天色晚來。內打二鼓介。呀。譙樓上面已打二鼓了。獨眠孤館。展轉淒其。待與姊妹們閒話消遣。怎奈他們心上無事。一個個都去睡了。教奴家獨守殘燈。怎生睡得去。

二郎神良宵杳爲愁多。睡來還覺手攬寒衾風料峭。  
也罷特我剔起殘燈。到曉除下閒步一迴。以消長夜。  
徘徊燈側。下階閒步無聊。只見慘淡中庭新月小。書  
扇開餘香猶裊。漏聲高正三更。驛庭人靜寥寥。

弄簾兒外面。就是煎茶之所。不免去就着茶爐。飲  
一杯苦茗。則個正是有水難澆心火熱。無風可解  
淚冰寒。暫下小旦持扇上。已入重闌裏。還愁見面  
遙。故人相對處。打點淚痕拋。奴家自進驛來。辦眼  
偷瞧。不見我家小姐。內作長歎介。小旦呀。如今夜

深人靜。爲何有沉吟歎息之聲。不免揭起簾兒。睨他一眼。

前腔偷瞧把朱簾輕揭。金鈴聲小呀。那階除之下。緩步行來的。好似我家小姐。欲待喚他。又恐不是。我且只當不知。坐在這裏煎茶。看他出來。有何話說。旦上看一縷茶烟香繚繞呀。那個煎茶女子。好生面善。青衣執爨。分明舊識。風標悄語。低聲問分曉。那煎茶女子快取茶來。小旦娘娘請坐。待我取來。送茶各看背。驚介旦呀。分明是采蘋的模樣。他爲何來在這裏。小

頭恰好  
 若照原  
 本是無  
 雙賢集  
 鴻之詞  
 矣重注  
 而和風  
 標其情  
 尚可則  
 乎

關情傷事

旦竟是我家小姐待他喚我我終好認他旦那女子  
 走近前來你莫非就是采蘋麼小旦小姐在上妾身  
 就是跪介旦抱哭介合天那何幸得萍水相遭旦你  
 為何來在這裏小旦說起話長今夜之來是不蘋一  
 點孝心費盡機謀特地來尋故主請問小姐老夫人  
 好麼旦還喜得康健采蘋你曉得王官人的消息麼  
 時年少自分離孤身何處飄飄

小旦他自分散之後賊平到京正要來國婚配不  
 想我家遭此橫禍他就落鬼天涯近得金吾將軍



題請得官、現做富平縣尹、權知此驛、

林鶯他官中薄祿、權倚靠、知他未遂雲霄、旦這等

說來、他也就在此處了、既然如此、你的近況、何如、隨

着誰人、作何勾當、小旦承蒙自別、夫大小姐、蒙金吾

將軍收爲義女、就嫁與王官人、目今現在一處、旦哦、

你和他現在一處麼、小旦是、且作醋容介、這等講來、

我倒不如你了、鸞鴦已占枝頭、早孤鸞拘鎖、何日得

歸巢、小旦小姐不要多心、奴家雖嫁王郎、議定權爲

側室、虛却正夫人的坐位、還待着小姐哩、旦這等幾

是我且問你檀郎安否。怕相思瘦損潘安貌。小旦他雖受折磨。却還志氣不衰。容顏如舊。志氣好。千般折磨。風月未全消。

他一片苦情。恐怕小姐不知。現付明珠一顆。是小姐贈與他的。他時時藏在身旁。不敢遺失。付珠介

前腔旦雙珠依舊成對好。我兩人還是蓬飄。采蘋我今夜要約他一會。你可喚得進來麼。小旦這個使不得。老公公在外監守。又有軍士巡更。那里喚得進來。旦莫非是你。小旦是我怎麼樣。哦。采蘋知道了。莫非。

疑我吃醋麼。若有此心。天不覆地。不載小姐。利害所  
關。他委實進來不得。且淚介。噯。眼前欲見無由到。驛  
庭咫尺。翻做楚天遙。小旦。楚天猶小。着不得一腔煩  
惱。小姐有何心事。只消對采蘋說知。待采蘋轉對他  
說也。與見面一般。且枉心焦。我芳情自解。怎說與伊  
曹。

待我修書一封。與你帶去便了。小旦。說得有理。快  
寫起來。一霎時天就明了。且寫介。

啄木公子。舒殘繭。展兔毫。蚊脚蠅頭。隨意掃。只怕我

有萬恨千愁。假饒會面難消。我有滿腔愁怨。寫向鸞箋怎得了。總有丹青別樣巧。畢竟衷腸事怎描。只落得淚痕交。

前腔書纔寫。燈再挑。錦袋重封花押巧。書寫完了。采蘋你與我傳示他。好自支持。休爲我長皺眉梢。小旦小姐你與他的姻緣。畢竟如何。可有出宮相會的日子。旦爲說漢宮人未老。怨粉愁香憔悴倒。寂寞園陵歲月遙。雲雨隔藍橋。

明珠封在書中。叫他依舊收好。小旦天色已明。采

自去了小姐你千萬保重若有便信替我致意  
老夫人各哭介小旦小姐保重采蘋去了掩淚下  
旦呀采蘋你竟去了頓足哭介

哭相思尾從此兩下分離音信杳無由再見親人了  
哭倒介末上自不整衣毛何須夜夜號啕家一路  
辛苦正要睡覺不知那個宮人啾啾唧唧一夜哭  
到天明不免到裏面去看來呀爲何哭倒在地下  
看介原來是劉宮人劉宮人起來按介呀不好了  
渾身冰冷只有心口還熱列位宮人快來四宮女

上並無奇禍至何事疾聲呼呀這是劉家姐姐爲  
何倒在地上末列位官人看呀待我去取薑湯上  
來下二女劉家姐姐快些甦醒末取薑湯上薑湯  
在此快灌下去灌醒介宮女到家姐姐你爲甚麼  
事情哭得這般狼狽

黃鶯兒且只爲連日受劬勞怯風霜心膽提昨宵不  
睡挨到曉末爲甚麼不睡呢旦思家路遙思親壽高  
因此驀然愁絕昏沉倒謝多嬌相將救取免死何荒

未好不小心。萬一有些差池。都是啖家。的干係。聖  
前。勝衆人。世水中泡。受皇恩。福怎消。何須苦憶家鄉  
好。慈幃暫拋。相逢不遙。寬心莫把閒愁惱。內而湯熱  
了。請列位宮人。梳簪上轎。合席光高。馬嘶人起。梳洗  
上星轎。

女

姊妹人人笑語聞。

娘行何事獨憂煎。

旦

祇因命帶情懷愁。

況此無愁也淚漣。

閒情偶寄五卷目次

演習部

授曲第三 計六款

解明曲意

訓熟字音

字忌模糊

曲嚴分合

鑼鼓忌雜

吹合宜低



教白第四 計二款

高低抑揚

緩急頓挫

脫套第五 計四款

衣冠惡習

聲音惡習

語言惡習

科誦惡習

閒情偶寄卷之五

湖上笠翁李

漁著

塔沈心友因伯

全訂

男 荊芬

廣習部

授曲第三

聲音之道。幽渺難知。予作一生。柳七交無數。  
周郎雖未能如曲子相公。身都遍顯。然論其。  
生平製作。塞滿人間。亦類此君之不可收拾。  
然究竟于聲音之道。未嘗盡解。所能解者不。

過詞學之章句者。理之皮毛。比之觀場矮人。略高寸許。人贊美而我先之。我憎醜而人和之。舉世不察。遂羣然許爲知音。噫。音豈易知者哉。人問旣不知音。何以製曲。予曰。釀酒之家。不必盡知酒味。然秣多水少。則醇醲。麴子藥精。則香冽。此理則易諳也。此理旣諳。則杜康不難爲矣。造弓造矢之人。未必盡嫻決拾。然曲而勁者。利于矢。直而銳者。宜于錫。此道則易明也。旣明此道。卽世爲弓人。矢人可矣。

雖然山民善跋水民善涉術疎則巧者亦拙  
業久則麤者亦精填過數十種新詞悉什便  
人聽其歌演近硃者赤近墨者黑況爲硃墨  
所從出者乎麤者自然拂耳精者自能娛神  
是其中菽麥亦稍辨矣語云耕當問奴織當  
訪婢予雖不敏亦曲中之老奴歌中之黠婢  
也請述所知以備裁擇

### 解明曲意

唱曲宜有曲情曲情者曲中之情節也解明情節知

其意之所在。則唱出口時。儼然此種神情。問者是問。答者是答。悲者黯然。竟消而不致。反有喜色。歡者怡然。自得而不見稍有瘁容。且其聲音。齒頰之間。各種俱有分別。此所謂曲情是也。吾觀今世學曲者。始則誦讀。繼則歌詠。歌詠既成。而事畢矣。至于講解二字。非特廢而不行。亦且從無此例。有終日唱此曲。終年唱此曲。甚至一生唱此曲。而不知此曲所言何事。所指何人。口唱而心不唱。口中有曲。而面上身上無曲。此所謂無情之曲。與蒙童背書同一勉強。而非自然。

者也。雖腔板極正。喉舌齒牙極清。終是第二第三等詞曲。非登峰造極之技也。欲唱好曲者。必先求明師。講明曲義。師或不解。不妨轉詢文人。得其義而後唱。唱時以精神貫串其中。務求酷肖。若是則同一唱也。同一曲也。其轉腔換字之間。別有一種聲口。舉目匡頭之際。另是一副神情。較之時優。自然迥別。變死音爲活曲。化歌者爲文人。只在能解二字。解之時。義大矣哉。

調熟字音

調平仄。別陰陽。學歌之首務也。然世上歌童解此二事者。百不得一。不過口傳心授。依樣葫蘆。求其師不甚。則習而不察。亦可以混過一生。獨有必不可少之一事。較陰陽平仄爲稍難。又不得因其難而忽視者。則爲出口收音。二訣。蓋世間有一字。卽有一字之頭。所謂出口者是也。有一字。卽有一字之尾。所謂收音者是也。尾後又有餘音。收煞此字。方能了局。譬如吹簫。姓蕭。諸蕭字。本音爲蕭。其出口之字頭與收音之字尾。並不是蕭。若出口作蕭。收音作蕭。其中間。

門外漢  
卷八

反正音並不是蕭而反爲別一字之音矣。且出口作  
一字爲之頭以備出口之用。有一字爲之尾以備收  
音之用。又有一字爲餘音以備煞板之用。字頭爲何  
西字是也。字尾爲何天字是也。尾後餘音爲何良字  
是也。字字皆然。不能枚紀。絃索辨訛等書載此頗詳。  
聞之自得。要知此等字頭字尾及餘音乃天造地設  
自然而然。非後人扭捏而成者也。但觀切字之法。卽  
知之矣。篇海字彙等書逐字載有註脚以兩字切成。



元般成  
云妙

一字其兩字者上一字卽爲字頭出口者也下一字卽爲字尾收音者也。但不及餘音之一字耳。無此上下二字切不出中間一字。其爲天造地設可知。此理不明如何唱曲。出口一錯卽差謬到底。唱此字而訛爲彼字。可使知音者聽乎。故教曲必先審音。卽更不能盡解。亦須講明此義。使知字有頭尾以及餘音。則不敢輕易開口。每字必詢久之。自能慣熟。曲有誤周卽顧苟明此道。卽遇最刻之周卽亦不能拂情而左頰矣。

展成  
又是妙

字頭字尾及餘音皆爲慢曲而設一字一板或一字數板者皆不可無其快板曲止有正音不及頭尾緩音長曲之字若無頭尾非止不合韻唱者亦大費精神但看青衿贊禮之法卽知之矣拜興二字皆鬚長音拜字出口以至收音必俟其人揖畢而跪跪畢而拜爲時甚久若止唱一拜字到底則其音一洩而盡不當歇而不得不歇失儀相之體矣得其竅者以不愛二字代之不乃拜之頭愛乃拜之尾中間恰好是一拜字以一字而延數畧則氣力不足分爲三字

即有餘矣。興字亦然。以希因二字代之。贅禮且然。泥于唱曲。旋譬曲喻。以至于此。總出一片苦心。審樂諸公。定須憐我。

字頭字尾及餘音。皆須隱而不現。使聽者聞之。但有其音。并無其字。始稱善用頭尾者。一有字迹。則沾泥帶水。有不如無矣。

### 字忌模糊

學唱之人。勿論巧拙。只看有口無口。聽曲之人。慢講精麁。先問有字無字。字從口出。有字即有口。如出口

不分明有字若無字。是說話有口。唱曲無口。與啞人何異哉。啞人亦能唱曲。聽其呼號之聲。卽可見矣。當有唱完一曲。聽者止聞其聲。辨不出一字者。令人悶殺。此非唱曲之料。選材者在。其咎非本優之罪也。舌本生成。似難強造。然于開口學曲之初。先能淨其齒。頰。使出口之際。字字分明。然後使工腔板。此回天大力。無異點鐵成金。然百中遇一。不能多也。

### 曲嚴分合

同場之曲。定宜同場。獨唱之曲。還須獨唱。詞意分明。

不可犯也。常有數人登場，每人一隻之曲，而衆口同聲以出之者，在授曲之人原有淺深二意。淺者慮其冷靜，故以發越見長；深者示不叅差，欲以翕如見好。嘗見琵琶賞月一折，自長空萬里以至幾處寒衣，纖未成，俱作合唱之曲，諦聽其聲，如出一口，無高下新續之痕者，雖曰良工，心苦然。作者深心于此，理沒此折之妙，全在其對月光，各談心事。曲既分唱，身段自可分做，是清淡之內原有波瀾。若混作同場，則無所見其情，亦無可施其態矣。惟晴寒生二曲，可以同唱。

首四曲定該分唱。況有合前數句。振起神情。原不慮其太冷。他劇類此者甚多。舉一可以概百。戲場之曲。雖屬一人。而可以同唱者。惟行路出師等劇。不問詞理異同。皆可使衆聲合。一。擲面似鬧。曲聲亦宜闐靜之。則相反矣。

### 鑼鼓忌雜

戲場鑼鼓。筋節所關。當敲不敲。不當敲而敲。與宜重而輕。宜輕反重者。均足令戲文減價。此中亦具至理。非老于優孟者。不知。最忌在要緊關頭。忽然打斷。如

說白未了之際。曲調初起之時。橫敲亂打。蓋却聲音。使聽白者少聽數句。以致前後情事不連。審音者未聞起調。不知以後所唱何曲。打斷曲文。異猶可恕。抹殺賓白情理難容。予觀場每見此等。故爲指出。又有一齣戲文將了。止餘數句。賓白未完。而此未完之數句。又係關鍵所在。乃戲房鑼鼓。早已催促收場。使說與不說同者。殊可痛恨。故疾徐輕重之間。不可不急講也。場上之人。將要說白。見鑼鼓未歇。宜少停以待之。不則過難專委。曲白鑼鼓均分其咎矣。

吹合宜低

絲竹肉三音。向皆孤行獨立。未有合用之者。今之自  
近年始。三籟齊鳴。天人合一。亦金聲玉振之遺意也。  
未嘗不佳。但須以肉爲主。而絲竹副之。使不出自然  
者。亦漸近自然。始有主行客隨之妙。邇來戲房吹合  
之聲。皆高于場上之曲。反以絲竹爲主。而曲聲和之。  
是座客非爲聽歌而來。乃聽鼓樂而至矣。從來名優  
教曲。總使聲與樂齊。簫笛高一字。曲亦高一字。簫笛  
低一字。曲亦低一字。然相同之中。卽有高低輕重之



別以其教曲之初卽以簫笛代口引之使唱原係聲  
隨簫笛非以簫笛隨聲習久成性一到場上不知不  
覺而以曲隨簫笛矣正之當用何法曰家常理曲不  
用吹合止于場上用之則有吹合亦唱無吹合亦唱  
不靠吹合爲主譬之小兒學行終日倚牆靠壁舍此  
不能舉步一旦去其牆壁偏使獨行行過一次兩次  
則雖見牆壁而不靠矣以予見論之和簫和笛之時  
當比曲低一字曲聲高于吹合則絲竹之聲亦變爲  
肉尋其附和之痕而不得矣正音之法有過此者乎

然此法不宜概行。當視唱曲之人之本領。如一班之中。有一二喉音最亮者。以此法行之。其餘中人以下之材。俱照常格。倘不分高下一例舉行。則良法不終而怪予立言之誤。

吹合之聲。場上可少。教曲學習之時。必不可少。以其能代師口。而司銓鑄變化之權也。何則。不用簫笛。止憑口授。則師唱一遍。徒亦唱一遍。師住口。而徒亦住口。聰慧者。數遍卽熟。資質稍鈍者。非數十百遍。不能以師徒之間。無一轉相授受之人也。自有此物。只須

師教數遍齒牙稍利。卽用簫笛引之。隨簫隨笛之際。若曰無師則輕重疾徐之間原有法脉。準繩引人歸于勝地。若曰有師則師口並無一字。已將此曲交付其徒。先則人隨簫笛。後則簫笛隨人。是金蟬脫殼之法也。庾公之斯學射于尹公之他。尹公之他學射于我簫笛二物。卽曲中之尹公也。但庾公之斯與子濯孺子。昔未見面而今同在一堂耳。若是則吹合之力詎可少哉。予恐此書一出好事者過聽予言。謬視簫笛爲可棄。故復補論及此。

教白第四

教習歌舞之家。演習聲容之章。咸謂唱曲難。說白易。賓白念熟。卽是曲文念熟。而後唱。唱必數十遍。而始熟。是唱曲與說白之工。難易判如霄壤。時論皆然。予獨怪其非。是唱曲難。而易。說白易而難。知其難者。始易。視爲易者。必難。蓋詞曲中之高低抑揚。緩急頓挫。皆有。一定不移之格。譜載分明。師傳嚴切。習之既慣。自然不出範圍。至賓白中之高低抑揚。緩

急頓挫則無腔板可按。譜籍可查。止靠曲師口授。而曲師入門之初。亦係暗中摸索。彼既無傳于人。何從轉授于我。訛以傳訛。此說白之理。日晦一日。而人不知。人既不知。無怪乎念無。卽以爲是。而且以爲易也。吾觀梨園之中。善唱曲者。十中必有二三。工說白者。百中僅可一二。此一二人之工說白。若非本人自通文理。則其所傳之師。乃一讀書明理之人也。故曲師不可不擇教者。通文識字。則學者

之受益。東君之省力。非止一端。苟得其人。必  
破優伶之格以待之。不則鶴困鷄羣。與儕衆  
無異。孰肯抑而就之乎。然于此中。索全人。頗  
不易得。不如仍苦立言者。再費幾升心血。創  
爲成格。以示人。自製曲選詞。以至登場演習。  
無一不作功臣。庶于爲人爲徹之義。無少缺  
陷。雖然。成格卽設。亦止可爲通文達理者道。  
不識字者。聞之。未有不噴飯胡盧。而怪迂人  
之多事者也。

高低抑揚

賓白雖係常談。其中悉具至理。請以尋常講話喻之。  
明理人講話。一句可當十句。不明理人講話。十句抵  
不過一句。以其不中肯綮也。賓白雖係編就之言。說  
之不得法。其不中肯綮等也。猶之倩人傳語。教之使  
說。亦與念白相同。善傳者以之。事不善傳者以之。  
債事。卽此理也。此理甚難。亦甚易。得其孔竅。則易。不  
得其孔竅。則難。此等孔竅。天下人不知。予獨知之。天下  
人卽能知之。不能言之。而予復能言之。請揭出以示。

歌者自有高低抑揚。何者當高而揚。何者當低而抑。  
曰若唱曲然。曲文之中有正字。有襯字。每遇正字。必  
聲高而氣長。若遇襯字。則聲低氣短而疾忙帶過。此  
分別主客之法也。說白之中亦有正字。亦有襯字。其  
理同。則其法亦同。一段有一段之主客。一句有一句  
之主客。主高而揚。客低而抑。此至當不易之理。即最  
簡極便之法也。凡人說話。其理亦然。譬如呼人取茶  
取酒。其聲云。取茶來。取酒來。此二句既爲茶酒而發。  
則茶酒二字爲正字。其聲必高而長。取字來字爲襯。



字其音必低而短。再取舊曲中賓白一段論之。琵琶  
分別白云。雲情雨意。雖可拋。兩月之夫妻。雪髯霜鬢。  
竟不念八句之父母功名之念一起。甘旨之心頓忘。  
是何道理。首四句之中。前二句是客宜略輕而稍快。  
後二句是主宜略重而稍遲。功名甘旨二句亦然。此  
句中之主客也。雖可拋。竟不念六個字。贅之兩月夫  
妻八句。父母雖非襯字。却與襯字相同。其爲輕快。又  
當稍別。至于夫妻父母之上二之字。又爲戲中之襯。  
其爲輕快更宜。悟之。是白皆然。此字中之主客也。常

見不解事梨園。每于四六句中之字。與上下正文。同其輕重疾徐。是謂菽麥不辨。尚可謂之能說白乎。此等皆言賓白。蓋場上所說之語也。至于上場詩。定場白。以及長篇大幅叙事之文。定宜高低相錯。緩急得宜。切勿作一片高聲。或一派細語。俗言水平調。是也。上場詩四句之中。三句皆高而緩。一句宜低而快。低而快者。大率宜在第三句。至第四句之高而緩。較首二句。更宜倍之。如浣紗記定場詩云。少小英雄俠氣聞。飄零仗劍學從軍。何年事了拂衣去。歸卧荆南。

夢澤雲少小二句宜高而緩不待言矣何年一句必須輕輕帶過若與前二句相同則煞尾一句不求低而自低矣末句一低則懈而無勢況其下接着通名道姓之語如下官姓范名蚤字少伯下官二字例應稍低若末句低而接者又低則神氣索然不振矣故第三句之稍低而快勢有不得不然者此理此法誰能窮究至此然不如此則是尋常應付之戲非孤標特出之戲也高低抑揚之法盡乎此矣

優師既明此理則授徒之際又有一簡便可行之法

九展成  
云方便  
以門然  
太便宜  
此輩

索挂取而予之。但于點脚本時。將宜高。宜長之字。用  
硃筆圈之。凡類襯字者。不圈。至于襯中之襯。與當急  
急起下斷斷不宜沾滯者。亦用硃筆抹以細紋。如流  
水狀。使一一皆能識認。則于念劇之初。便有高低抑  
揚。不俟登場摹擬。如此教曲。有不妙絕天下。而使百  
千萬億之人贊美者。吾不信也。

### 緩急頓挫

緩急頓挫之法。較之高低抑揚。其理愈精。非數言可  
了。然了之。必須數言辯者。愈繁則聽者愈惑。終身不

能解矣。優師點脚本授歌童。不過一句一點。求其點。不刺謬。一句還一句。不致斷者。聯而聯者。斷亦云幸矣。尚能詢及其他。卽以脚本授文人。倩其畫文。斷句亦不過每句一點。無他法也。而不知場上說白。儘有當斷處不斷。反至不當斷處而忽斷。當聯處不聯。忽至不當聯處而反聯者。此之謂緩急頓挫。此中微妙。但可意會。不可言傳。但能口授。不能以筆舌喻者。不能言而強之使言。只有一法。大約兩句三句而止。言一事者。當一氣趕下。中間斷句處。勿太遲緩。或一句

止言一事而下句又言別事或同一事而另分一息者則當稍斷不可竟連下句是亦簡便可行之法也此言其意非謂其精此言其略未及其詳精詳之理則終不可言也

當斷當聯之處亦照前法分別于脚本之中當斷處用硃筆一畫使至此稍頓餘俱連讀則無緩急相左之患矣

婦人之態不可明言賓白中之緩急頓挫亦不可明言是二事一致輕盈嬌媚婦人身上之態也緩急頓

師情備著

挫。優。人。口。中。之。態。也。予。欲。使。優。人。之。口。變。爲。美。人。之。  
身。故。爲。講。究。至。此。欲。爲。戲。場。尤。物。者。請。從。事。予。言。不  
則。仍。其。故。也。

脫套第五

戲場惡套。情事多端。不能枚紀。以極鄙極俗之關目。一人作之。千萬人效之。以致一定不移。守爲成格。殊可怪也。西子捧心。尚不可效。況效東施之顰乎。且戲場關目。全在出奇變相。令人不能懸擬。若人人如是。事事皆然。則彼未演出而我先知之。憂者不覺其可憂。苦者不覺其爲苦。卽能令人發笑。亦笑其雷同。他劇不出範圍。非有新奇。莫測之可喜也。掃



除惡習拔去眼釘亦高人造福之一事耳

### 衣冠惡習

記予幼時觀場凡遇秀才赴考及謁見當塗貴人所  
衣之服皆青素圓領未有着藍衫者三十年來始見  
此服近則藍衫與青衫並用卽以之別君子小人凡  
以正生小生及外末脚色而爲君子者照舊衣青圓  
領惟以淨丑脚色而爲小人者則着藍衫此例始于  
何人殊不可解夫青衿朝廷之名器也以賢愚而論  
爲聖人之徒者始得衣之以貴賤而論則備縉紳

襟心云

余向有

此三疑

今得

翁賜破

若披

而觀天

此

右。之。必。不。得。過。但。恐。着。青。衫。者。未。必。盡。右。子。耳。

之選者始得衣之名官大賢盡于此出何所見而爲  
小人之服必使淨丑衣之此戲場惡習所當首革者  
也或仍照舊例止用青衫而不設藍衫若照新例則  
君子小人互用萬勿獨歸花面而令士子蒙羞也

近來歌舞之本可謂窮奢極侈富貴娛情之物不得  
不然似難責以儉朴但有不可解者婦人之服貴在  
溫柔而近日舞衣其堅硬有如盔甲雲肩大而且厚  
面夾兩層之外又以鋪金錦綵圍之其下體前後二  
幅名曰遮羞者必以硬布裱骨而爲之此戰場所用

之物。名爲紙甲者是也。歌臺舞榭之上。胡爲乎來哉。  
易以輕軟之衣。使得隨身環繞。似不容已。至于衣上  
所綉之物。止宜兩種。勿及其他。上體鳳鳥。下體雲霞。  
此爲定製。蓋霓裳羽衣四字。業有成憲。非若點綴他  
衣。可以渾施色相者也。予非能創新。但能復古。

方巾與有帶飄巾。同爲儒者之服。飄巾儒雅風流。方  
巾老成持重。以之分別老少。可稱得宜。近日黎園每  
遇窮愁患難之士。卽戴方巾。不知何所取義。至紗帽  
巾。之有飄帶者。制原不佳。戴于粗豪公子。之蕭果覺

相稱至于軟翅紗帽極美觀瞻。曩時張生踰牆等劇。往往用之。近皆除去。亦不得其解。

### 聲音惡習

花面口中聲音宜確。如作各處鄉語。及一切可憎可厭之聲。無非爲發笑計耳。然亦必須有故而然。如所演之劇。人係吳人。則作吳音。人係越人。則作越音。此從人起見者也。如演劇之地在吳。則作吳音。在越。則作越音。此從地起見者也。可怪近日之梨園。無論在南在北。在西在東。亦無論劇中之人生于何地。長于

何方凡係花面脚色卽作吳音。豈吳人盡屬花面乎。此與淨丑着藍衫同一覆盆之事也。使范文正韓襄毅諸公有靈聞此聲觀此劇。未有不抱恨九原而思痛革其弊者也。今三吳縉紳之居要路者。欲易此俗。不過啓吻之勞。從未有計及此者。度量優容。真不可及。凡梨園盡屬吳人。凡事皆能自顧。獨此一着。不惟不自爭氣。偏欲故形其醜。豈非天下古今一絕大怪事乎。且三吳之音。止能通于三吳。出境言之人。多不解。求其發笑而反使聽者茫然。亦失計甚矣。吾請爲

詞場易之花面聲音。亦如生旦外末。悉作官音。小兒話頭。惹笑。不必故作方言。卽作方言。亦隨地轉。如在杭州。卽學杭人之話。在徽州。卽學徽人之話。使婦人小兒。皆能識辨。識者多。則笑者衆矣。

### 語言惡習

白中有呀字。驚駭之聲也。如意中並無此事。而猝然遇之一向未見其人。而偶爾逢之。則用此字開口。以示異也。近日梨園。不明此義。凡見一人。凡遇一事。不論意中意外。久逢乍逢。卽用此字開口。甚有差人請。

客而客至亦以呀字爲接見之聲者此等迷謬尚可  
言乎故爲揭出使知斟酌用之

戲場慣用者又有且住二字此二字有兩種用法一  
則相反之事用作過文如正說此事忽然想及彼事  
彼事與此事勢難並行纔想及而未曾出口先以此  
二字截斷前言且住者住此說以聽彼說也一則心  
上猶豫假此以待沉吟如此說自以爲善恐未盡善  
務期必妥當于是處尋非故以此代心口相商且住  
者稍遲以待不可竟行之意也而今之梨園不問是

不好。又開口說話。卽用此二字作助語。詞常有一段。賓白之中。連說數十個。且住者。此皆不詳字義之故。一經點破。犯此病者鮮矣。

上場引子下場詩。此一齣戲文之首尾。尾後不可增。尾猶頭上不可加頭也。可怪近時新例。下場詩念畢。仍不落臺。定增幾句淡話。以極緊湊之文。翻成極寬緩之局。此義何足。令人不解。曲有尾聲。及下場詩者。以曲音散漫。不得幾句緊腔。如何截得板住。自文冗雜。不得幾句約語。如何結得話成。若使結過之後。又



亦有下  
場不及  
更衣者  
故借此  
爲緩  
言

復說起何如不收竟下之爲愈乎。且首尾一理。詩後  
既可添話。則何不于引子之先。亦加幾句說自說完。  
而後唱乎。此積習之最無理。最可厭者。急宜改革。然  
又不可盡革。如兩人三人在場。二人先下一人說話。  
未了。必宜稍停。以盡其說。此謂弔場。原係古格。然須  
萬不得已。少此數句。必添以後一齣戲文。或少此數  
句。卽埋沒從前說話之意者。方可如此。是龍足非蛇  
足也。然只可偶一爲之。若齣齣皆然。則是是衆皆可  
續矣。何世間狗尾之多乎。

科譚惡習

插科打諢處。陋習更多。輩之將不勝輩。且見過卽忘。不能悉記。略舉數則而已。如兩人相毆。一勝一敗。有人來勸。必使被毆者走脫。而誤打勸解之人。連環擲戟之董卓是也。主人偷香竊玉。館童吃醋拈酸。謂尋新不如守舊。說畢。必以臀相向。如玉簪之進安。西廂之琴童是也。戲中串戲。殊覺可厭。而優人慣增此種。其腔必效弋陽。幽閨曠野。奇逢之酒保是也。